

MEMORANDO

PA: Komitê di Skolas di Boston

DI: Jill Carter, Asst Superintendent, Health & Wellness, DWC Co-Chair
Jenifer Lo, MD, Medical Director, BPHC, DWC Co-Chair

Cc: Superintendente, Brenda Cassellius
Chefi di Pesoal Mary Dillman
Konsultor Sénior Megan Costello

DATA: Kuarta-fera 4 di agostu di 2021

Ref.: Relatório Anual di Pulítika di Bem-Estar di Distrito di AL19-20

Konsedju Distrital di Bem-Estar (DWC) debi avalia tudu ano konformidadi di Pulítika di Bem-Estar Distrital di BPS, i alterna entri avaliason anual kualitativas i kuantitativas. Relatório kuantitativu anexo ten:

- Históriku, objetivo i métodos di relatório;
- Métricas di nível di distrito i di skola pa avalia implementason di kada un di kes oito árias di pulítika di bem-estar i rekisitus pa konsedjus di bem-estar distrital i eskolar pa ano letivo 2019-2020;
- Saúde di alunu i indikadores di konportamentu di saúde di Peskiza di Konportamentu di Risku entre Jovens di 2019 (YRBS), banku di dados SNAPNurse i Peskiza di Klima Eskolar di 2020;
- Un diskusson sobre prugressu di implementason di pulítika i kes prinsipal barreras di saúde pa susessu akadêmiku (ô seja, obesidadi, saúde sexual, asma i saúde mental i konportamental); i
- Rekomendason pa manti i midjora implimentason di Pulítika di Bem-Estar di BPS.

Na un ano letivo undi nu enfrenta un krisi global di saúde publika ki tevi signifikativus inpaktu na nos komunidadadi lokal, é inportanti ki nu analisa modi ki nu ta midi nos konprumissu ku pulítikas i pratikas di bem-estar, modi ki nu adapta ku disafius di pandemia COVID-19, i modi ki nu ta spandi kuzas ki funsiona pa djuda nos skolas retorna, rekupera i reimagina un kaminhu midjor di sigui. Ti data di hoji, departamentos di BPS tevi signifikativas realizasons na tudu árias di pulítika, i skolas ten trabadjadu ku ses konsedjus di bem-estar pa faze ki ses pulítika distrital ta ganha vida na ses prédios eskolares. Fazedu investmentus na melhoria di infraestrutura i aumento di pesoal pa presta servisus di apoio; gosi é tenpu pa distrito investi na instruson di kriansas komu un todú. Nu debi midjora oferta di nos distrito sobre edukason na saúde basiadu en abilidadis i alinhadu ku padrons i aumenta oferta di aprendizaje socioemocional atraves di edukason na saúde, edukason fízika, artes i integrason na otus árias akadêmikas. Es relatório ta ilustra modi ki saúde di alunus i skolas di BPS ta inpulsiona trabadju di vários departamentos i skritórios di kordenason na tudu árias di pulítika pa furnesi apoio pa skolas i apoio direto a alunus. Nu debi garanti ki distrito ta kontinua ta aborda barreras di saúde ka akademikas pa aprendizagen atraves di un abordagen basiadu na equidadi: skola interu, komunidadadi interu, i kriansa komu un todú

Di akordu ku lei federal i stadual, es relatório anual debi ser apresentadu pa Superintendente i pa Komitê Eskolar di BPS, manda-du pa Departamento di Edukason Elimentar i Sikundáriu di Massachusetts (DESE), i disponibilizadu pa publiku. Relatório ta manda-du pa DESE na otonu di 2021 komu parti di Revison Administrativa di Servisus di Alimentason i Nutrison. Relatório é konpartilhadu ku publiku na site di BPS i na Runion di Konsedju Distrital di Bem-Estar i na konsedju distrital di pais.